

Taylor's, UPM tunjuk belang

Kuala Lumpur: Universiti Taylor (Taylor's) membuat kejutan apabila menjinak pasukan pilihan, UiTM Shah Alam 32-27, untuk mengutip mata penuh daripada dua perlawanan dalam Liga Bola Jaring IPT Zon Tengah Selatan, semalam.

Taylor yang membelasah Kolej Universiti Darul Quran (KUDQ) 42-4 pada sebelah pagi, meneruskan kecemerlangan pada aksi sebelah petang untuk menjadikan UiTM mangsa seterusnya, dengan penjaring utama, Rebekah Boon Mae Gan menunjukkan ketajaman penyudah dengan 38 mata.

Tuan rumah UPM, turut mengutip mata penuh daripada dua perlawanan semalam, mengatasi jiran terdekat, Universiti Kebangsaan Malaysia (UKM) 28-20 pada sebelah pagi diikuti menundukkan Universiti Malaysia Sarawak (UNIMAS) 38-20, pada sebelah petang.

KEPUTUSAN: UPM mn UKM 28-20; UNIMAS mn UniKL-BMI 42-9; Taylor's mn KUDQ 42-4; UPM mn UNIMAS 38-20; UKM mn UniKL-BMI 28-15; Taylor's mn UiTM 32-27.